



## ՀԱՄԱԳՈՐԾԱԿՑՈՒԹՅԱՆ ՀԱՄԱՁԱՅՆԱԳԻՐ

ք. Երևան

«28» հոկտեմբեր 2016թ.

Երևանի Վ. Բրյուսովի անվան պետական լեզվահասարակագիտական համալսարանը (այսուհետ՝ Համալսարան), ի դեմս Համալսարանի ռեկտոր Գայանե Գասպարյանի, մի կողմից, և «Իրավաբանների հայկական ասոցիացիա» հասարակական կազմակերպությունը (այսուհետ՝ Ասոցիացիա) ի դեմս Ասոցիացիայի նախագահ Կարեն Զադոյանի, մյուս կողմից (այսուհետ՝ Կողմեր)։

*Կարևորելով Համալսարանի կողմից որդեգրած նպատակները՝ ուսանողության և աշխատակիցների իրավագիտակցության մակարդարկի բարձրացումը, կոռուպցիոն երևույթների նկատմամբ անհանդուրժողական մթնոլորտի ձևավորման և բարեխղճության սկզբունքների արմատավորման խթանումը,*

*Նպատակ ունենալով Համալսարանում բարձրացնել իրավական մշակույթը և զարգացնել ներդրված հակակոռուպցիոն մեխանիզմներ,*

*Գնահատելով Ասոցիացիայի դերը իրավապաշտպան և հակակոռուպցիոն ոլորտում որպես մասնագիտացված կազմակերպության,*

*Հատկորոշելով կոռուպցիան, որպես կրթությանը և ուսանողների հակակոռուպցիոն ընկալմանը խոչընդոտող երևույթ,*

*Նկատի ունենալով կողմերի պատրաստակամությունը համագործակցել հակակոռուպցիոն կրթության ոլորտում՝ բարձրացնելու համար այդ նպատակների զարգացմանն ուղղված իրենց ջանքերի արդյունավետությունը,*

Կողմերը կնքեցին սույն Համագործակցության Համաձայնագիրը (այսուհետ՝ Համաձայնագիր) հետևյալի մասին.

### **1. Համաձայնագրի նպատակները.**

1.1. Կողմերը միավորում են ջանքերը հետևյալ նպատակներով՝

- Օժանդակել Համալսարանում հակակոռուպցիոն և բարեխղճության ուսուցման, հակակոռուպցիոն մեխանիզմների մշակման և ներդրման ոլորտներում իրականացվող աշխատանքներին,

- Բարձրացնել Համալսարանի աշխատակիցների և ուսանողների իրավագիտակցության և հակակոռուպցիոն ընկալման մակարդակը,
- Բարձրացնել Ասոցիացիայի աշխատակիցների և անդամների օտար լեզուներին տիրապետման մակարդակը բանավեճի ակումբների և հանդիպումների միջոցով,
- Նպաստել կոռուպցիայի դեմ պայքարում աշխատողների և ուսանողների շահերի և իրավունքների պաշտպանությանը,
- Նպաստել կրթական ոլորտում օրենսդրության բարեփոխումների իրականացմանը:

## **2. Համագործակցության հիմնական սկզբունքները**

2.1. Սույն Համաձայնագիրը սահմանում է Կողմերի միջև համագործակցության հետևյալ սկզբունքները.

- Կողմերի միջև համագործակցությունը հիմնված է սույն Հուշագրի դրույթների վրա,
- Համագործակցության ընթացքում Կողմերն առաջնորդվում են համադեկլարման, թափանցիկության և ժողովրդավարության սկզբունքներով:

## **3. Համագործակցության ուղղությունները**

3.1. Կողմերը համաձայնվում են.

- Համալսարանի ծրագրերով նախատեսված հակակոռուպցիոն դասընթացները իրականացնելու նպատակով, Համալսարանի աշխատողների և ուսանողների համար ուսումնական, աշխատանքային հարաբերությունների, ֆինանսատնտեսական և կրթական ոլորտներում իրավական և հակակոռուպցիոն թեմաներով դասընթացների կազմակերպում և անցկացում:
- Ծրագրով նախատեսված կոռուպցիոն երևույթների նկատմամբ անհանդուրժողական մթնոլորտի ամրապնդման, հակակոռուպցիոն միջոցառումներում ուսանողների մասնակցության խթանման աշխատանքներում օժանդակության և մասնագիտական խորհրդատվության ցուցաբերում՝ Ասոցիացիայի կողմից:
- Համալսարանի ուսանողների և աշխատողների մասնակցություն Ասոցիացիայի կողմից կազմակերպվող միջոցառումներին:
- Ասոցիացիայի աշխատողների, անդամների համար կազմակերպել և անցկացնել իրավաբանական անգլերեն դասընթացներ պարակտիկայի անցնող ուսանողների միջոցով:
- Օժանդակել Ասոցիացիային հրատապ նյութերի թարգմանության հարցում պարակտիկայի անցնող ուսանողների միջոցով:
- Ասոցիացիայի կողմից գործարկվող «Իրավաբան.net» անկախ լրատվական կայքի աշխատանքներում Համալսարանի ուսանողների համար արտադրական պրակտիկայի կազմակերպում և վերահսկում:

